

# Շոգովորդ

6 մայիսի չորեքշաբթի 2026  
տպագրության ԺԵ տարի

55  
(3264)

Ք. Երևան, Արուսյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## QR ԿՈՒԴԵՐԻ ՄԿԱՆԳԱԼԸ



Հայաստանում ապրանքների նույնականացման՝ QR կոդերով դրոշմավորման համակարգը թեև ներկայացվում է որպես սովորական գործիք, շուկայի թափանցիկության բարձրացման գործիք է և ԵԱՏՄ շուկայում գործունեության պահանջ, սակայն այն դարձել է լրացուցիչ բեռ կամ «թաքնված հարկ» տնտեսվարողների համար. մի ընկերություն հարստանում է QR կոդերի տրամադրման արդյունքում: Գործարարները բողոքում են:

Հիշեցնենք, որ 2025 թվականի փետրվարին կառավարությունը հաստատեց QR կոդերով պարտադիր դրոշմավորման ենթակա ապրանքների ընդլայնված ցանկը՝ 74 անուն՝ ներառելով կաթնամթերք, մսամթերք, դեղորայք, վառելիք եւ այլ լայն սպառման ապրանքներ: Այսպիսով, համակարգը դառնում է համատարած եւ ազդում գրեթե բոլոր ոլորտների վրա:

Տեղեկացնենք, որ մինչ այս՝ դրոշմավորման փնտախաղի սավորումն իրականացնում էր պետությունը: 2024 թվականին, օրինակ, պետությունը վճարել է ավելի քան 5.1 միլիարդ դրամ՝ 1.357 միլիարդ դրոշմավորման համար: Նոր համակարգում այս ծախսը ամբողջությամբ տեղափոխվում է տնտեսվարողների վրա, բայց ավելի բարձր գնով:


«Ժողովուրդ» օրաթերթը պաշտոնական աղբյուրներից տեղեկացավ, որ 2025 թվականին արդեն հայաստանյան բիզնեսն դաշտը գնել է շուրջ 1.3 միլիարդ QR կոդ՝ յուրաքանչյուրի համար վճարելով 2.5 դրամ: Ընդհանուր վճարումը կազմել է ավելի քան 3.25 միլիարդ դրամ, որը այս տարի շեշտակի մեծ է լինելու, քանի որ ապրանքների անվանացանկը ավելացել է:

Մանրամասները՝ ArmLur.am կայքում

Երեւանում մայիսի 4-ին մեկնարկած Եվրոպական քաղաքական համայնքի 8-րդ գագաթնաժողովի կադրերում Ադրբեջանի նախագահի սեղանին «Istisu» հանքային ջրի շիջն է դրված: Ապրանքանիշ, որը ադրբեջանական կողմը ներկայացնում է որպես Քելբաջարի աղբյուրներից ստացվող արտադրանք, մինչդեռ Քարվաճառը 2023-ից է անցել Ադրբեջանին Արցախի էթնիկ գտման հետեւանքով: 120.000 անօթեան մնացած արցախահայերի նկատմամբ Ալիեւի երեկվա այս քայլը որակվում է որպես սադրանք, իսկ հայ ժողովրդի նկատմամբ՝ ագրեսիա: Reuters-ը գրում է, որ այդ գանգվածային արտահոսքը տեղի ունեցավ Ադրբեջանի գործողություններից հետո, իսկ տեղահանության հետեւանքները մինչ այժմ շարունակում են մնալ լուրջ քաղաքական վեճի կենտրոնում:



Մայիսի 4-ին Կարեն Դեմիրճյանի անվան մարզահամերգային համալիրում մեկնարկել է Եվրոպական քաղաքական համայնքի 8-րդ գագաթնաժողովը, իսկ մայիսի 5-ին մայրաքաղաքում անցկացվում է նաեւ առաջին ԵՄ-Հայաստան գագաթնաժողովը: ԵՄ-ն ներկայացնում են Եվրոպական խորհրդի նախագահ Անտոնիո Կոշտան եւ Եվրոպական հանձնաժողովի նախագահ Ուրսուլա Ֆոն դեր Լայենը, Հայաստանը՝ վարչապետ Նիկոլ Փաշինյանը: Պաշտոնական հաղորդագրություններով՝ հանդիպումները Երեւանում համախմբում են ավելի քան 40 առաջնորդների: Երեւանում անցկացվող ԵՄ գագաթնաժողովի ֆունկցիոնալ շրջանակում Հայաստանի ընդդիմադիր ուժերի մեծ մասը «Ժողովուրդ» օրաթերթի հետ զրույցում քննադատեց այն փաստը, որ Հայաստանի ոչ մի ընդդիմադիր, անգամ Եվրոպամետ եւ արեւմտամետ ուժերի ներկայացուցիչ, հրապարակային ընդունելություն կամ հանդիպում չի ունեցել Եվրոպացի հյուրերի հետ:



Շարունակությունը՝ ArmLur.am կայքում

Երեւանում մայիսի 4-ին Ազգային ժողովի հերթական նիստերի օրակարգում ընդգրկվել է ՀՀ դատախազության գործունեության եւ քննչական կոմիտեի տարեկան հաղորդումը: Քննարկման է դրվելու ՀՀ դատախազության գործունեության մասին հաղորդումը. ընդհանուր հանցավորությունը նվազել է, սակայն մի շարք ծանր եւ հանրային մտահոգություն առաջացնող հանցատեսակներ զգալի աճ են արձանագրել: Ըստ հաղորդման՝ 2025 թվականին Հայաստանում գրանցվել է 40 հազար 722 հանցագործություն, ինչը նախորդ տարվա համեմատ 3,2 տոկոսով պակաս է: Նվազում է արձանագրվել նաեւ խուլիգանության դեպքերում. եթե նախորդ տարի գրանցվել էր 877 դեպք, ապա այս տարի այդ թիվը կազմել է 777: Սակայն ընդհանուր նվազման ֆունկցիոնալ մտահոգիչ է թմրամիջոցների ապօրինի շրջանառության կտրուկ աճը: Դեպքերի թիվը հասել է 4595-ի՝ մեկ տարվա ընթացքում ավելանալով 685-ով կամ 19,7 տոկոսով:



Շարունակությունը՝ ArmLur.am կայքում

ՀԱՌՑԱԳՐՈՒՅՑ

«ՇԱՏ ԿԵՇՏ Է ՄԵՂԱՎՈՐ ՆՇԱՆԱԿԵԼԸ»

ArmLur.am-ը գրուցել է (սկիզբը նախորդ համարում) հոգեւորի սեր Ռուբեն վարդապետ Չարգարյանի հետ:

- Իրենք պառակտում են մտնում եւ արժանի են նզովքի: Ձեր պատարագների վերջում ինչո՞ւ եք աղոթում Արցախ աշխարհի համար, պատերազմի կոչ անում:

- Մենք ոչ մի պատերազմի կոչ չենք անում: Այստեղ մեծ մոլորություն եւ խաբեություն կա: Պատարագամատուցում իրականում չի եղել այն հատվածը, որտեղ աղոթք է արվում Հայաստանի Հանրապետության համար: Այդ հատվածը ավելացվել է Առաջին հանրապետության տարիներին՝ պետականության վերականգնելուց հետո: Մեր հին պատարագամատուցներում այդ մասը չկա: Հետագայում, երբ Արցախը ազատագրվեց, եկեղեցին նաեւ այդտեղ ավելացրեց Արցախը: Այսօր մենք աղոթում ենք նաեւ Արցախի համար՝ այդ ավելացված հատվածում: Մենք աղոթում ենք մեր պատմական հայրենիքի համար, որը հիմա գավազած է, մեր եկեղեցիների համար, որոնք այնտեղ են մնացել ու պղծվում են: Եւ, ի վերջո, արցախահայության համար: Չէ՛նք աղոթելու արցախահայության համար:

- Մայր Աթոռը եւ հոգեւորականությունը մեղադրվում են, որ չեն կանխել աղանդավորության տարածումը Հայաստանում: Ի՞նչ եք կարծում:

- Շատ հեշտ է մեղավոր նշանակելը: Մարդիկ, որոնք իրենք Հայ եկեղեցու գավակ են, հաճախ ոչինչ չեն արել իրենց շրջապատում քրիստոնեական վկայություն տալու համար, բայց մեղադրում են եկեղեցուն: Եկեղեցու առաքելությունը միայն հոգեւորականի ուսերին չէ: Բոլորս ենք կոչված վկայելու Քրիստոսին: Այդ, հոգեւորականը ունի ավելի մեծ առաքելություն՝ քարոզչություն, սուրբ խորհուրդների սպասարկում, հսկողություն: Աղանդավորությունը միշտ եղել է եւ կլինի, որովհետեւ «ցորենի մեջ միշտ կա մոլախոտ»: Մենք չենք կարող ունենալ իդեալական պատկեր: Օբյեկտիվ պատճառներից մեկը այն էր, որ մենք պատրաստ չէինք



խղճի ազատության օրենքին եւ դռները լայն բացեցինք արտաքին միսիոներների առաջ: Սուբյեկտիվ պատճառներից մեկը՝ մենք չօգտագործեցինք Մայր Աթոռի եւ հոգեւորականության ներուժը լավագույն կերպով:

- Մայր Աթոռի եւ պետության հարաբերությունները հաճախ քննադատվում են: Ինչպե՞ս եք գնահատում դա:

- Հոգեւորականը միշտ դժվար իրավիճակում է: Նա երբեք չի կարող բոլոր կողմերին գոհացնել: Եթե մենք վախենանք ճշմարտությունը ասել, ապա կորցնում ենք խաչի խորհուրդը: Խաչը հենց այն պատճառով է, որ ճշմարտությունը բախվել է կեղծիքին, սերը՝ ատելությանը: Հոգեւորականը պետք է առաջնորդի ճշմարտությամբ, նույնիսկ եթե դա իրեն կյանք արժենա:

- Ինչո՞ւ, լինելով առաջին քրիստոնյա պետություն, չենք դառնում այն «հոգեւոր Հայաստանը», որի մասին երազել են մեր մտավորականները:

- Մենք լսել չգիտենք եւ խոսքի չենք: Մեր ականջը հաճախ խուլ է ճշմարտության հանդեպ:

- Չե՞ք կարծում, որ սատանան հաղթում է այս պայքարում:

- Ո՛չ: Սատանան չի հաղթում: Ավագ ուրբաթ օրը թվացալ հաղթանակ էր, բայց կիրակի առավոտյան պարզվեց իրականությունը: Չի կարելի ասել, որ նա հաղթում է:

- Ինչո՞ւ է դեպի Աստված տանող ճանապարհը այդքան դժվար:

- Սա գոյաբանական հարց է: Մարդը ունի ընտրության հնարավորություն: Այդ ընտրության մեջ է ամբողջ գաղտնիքը: Աստված ցույց է տվել ճանապարհը՝ կյանք կամ կործանում: Բայց մարդը հաճախ ընտրում է հեշտ թվացող, բայց կեղծ ճանապարհը: Ադամն ու Եվան նույնպես ընտրեցին լսել արտաքին շշուկը, ոչ թե Աստծուն: Դա է մարդու փորձությունը՝ ճիշտ ընտրություն կատարել:

- Ի՞նչ է պետք այսօր մեր ժողովրդին:

- Մեր ժողովրդին պետք են առաջնորդներ՝ իմաստուն, ազնիվ, քաջ եւ նվիրված: Նահատակության գնով պատրաստ առաջնորդներ: Մենք նաեւ լավ կառավարման համակարգի կարիք ունենք: Դրա բացակայության պատճառով ենք շատ կորուստներ ունեցել, այդ թվում Արցախը:

Ջրուցեց՝ ՆԱՆԻԿ ԱՂԱՍՅԱՆԸ

ՔԱՂԱՔԱԿԱՆ ՕՐԱԿԱՐԳ

ԸՆԴՈՒՆՎԵԼ Է ՀՈՉԱՆԱԳԻՐ

Վարչապետ Նիկոլ Փաշինյանը Հայաստան-ԵՄ անդրանիկ գազաթանափողովի շրջանակում նախագահական նստավայրում հյուրընկալել է Եվրոպական խորհրդի նախագահ Անտոնիու Կոշտային եւ Եվրոպական հանձնաժողովի նախագահ Ուրսուլա Ֆոն դեր Լայենին:

Նախ տեղի է ունեցել դիմավորման պաշտոնական արարողություն, որի շրջանակում հնչել են ԵՄ եւ ՀՀ օրհներգները, կայացել է զինվորական քայլերով: Հաջորդիվ տեղի է ունեցել վարչապետ Նիկոլ Փաշինյանի առանձնազրույցն Անտոնիու Կոշտայի եւ Ուրսուլա Ֆոն դեր Լայենի հետ: Առանձնազրույցից հետո կայացել է ընդլայնված կազմով հանդիպումը:

Ողջունելով Եվրամիության պատվիրակությանը՝ Նիկոլ Փաշինյանը նշել է. «Ինձ համար մեծ պատիվ է ողջունել ձեզ Երեւանում Հայաստան-ԵՄ անդրանիկ գազաթանափողովի շրջանակում: Այսօր մենք եւս մեր քայլով որակապես նոր մակարդակի ենք բարձրացնում Հայաստանի եւ Եվրամիության հարաբերությունները, եւ պատմության մեջ առաջին անգամ Հայաստանի Հանրապետությունը եւ Եվրոպական Միությունն անցկա-

նում են Եվրոպական Միությունն անցկացնում են երկկողմ գազաթանափողով»:

Վարչապետի խոսքով՝ Հայաստան-ԵՄ հարաբերություններում արդեն իսկ ձեւավորվել է այնպիսի ծանրակշիռ օրակարգ, որն առաջիկայում անհրաժեշտ է լինելու քննարկել հենց գազաթանափողովների մակարդակում ունենալով նաեւ բավականին մանրամասն եւ ծավալուն աշխատանք, ինչը եւ մինչեւ հիմա արվել է: «Մենք, իհարկե, նեղ կազմով արդեն առիթ ունեցանք քննարկելու հարցերի բավական լայն շրջանակ եւ ուրախությամբ եմ արձանագրում, որ մեր օրակարգի բազմաթիվ հարցերի վերաբերյալ մենք ունենք ընդհանրական դիրքորոշումներ եւ ձեւավորված ըմբռնում: Սա նշանակում է, որ պատշաճ մթնոլորտ է առկա, որպեսզի մենք կենտրոնանանք օրակարգի իրականացման, իրագործման վրա», - ասել է վարչապետը:

ՄԱԿՐՈՆԸ ԱՅՑԵԼԵԼ Է ԾԻԾԵՌՆԱԿԱՐԵՐԳ

Ֆրանսիայի նախագահ Էմանուել Մակրոնը այցելել է Երեւանի Ծիծեռնակաբերդի հուշահամալիր եւ հարգանքի տուրք

մատուցել Հայոց ցեղասպանության զոհերի հիշատակին:

Այցից հետո Ֆրանսիայի նախագահը իր սոցիալական հարթակներում հրապարակել է լուսանկար եւ գրառում՝ ընդգծելով հիշողության եւ պարտականության կարեւորությունը: Մակրոնը նշել է, որ այս վայրում կանգնած է «հիշողության եւ պարտականության առաջ՝ անջնջելի հանդիման»՝ հավելելով, որ յուրաքանչյուր անուն պետք է հնչի եւ չմնա մոռացության մեջ: Նա նաեւ ընդգծել է, որ Ֆրանսիան մշտապես կանգնած է հայ ժողովրդի կողքին՝ հարգանքով հիշելով Հայոց ցեղասպանության զոհերին եւ անդրադառնալով «խլված բազմաթիվ ճակատագրերին»: Մակրոնի ուղերձը վերահաստատում է Ֆրանսիայի պաշտոնական դիրքորոշումը Հայոց ցեղասպանության հիշատակման եւ Հայաստանի հետ բարեկամական հարաբերությունների շարունակականության վերաբերյալ. «Վերադարձ հիշողության եւ պարտականության այս վայր՝ անջնջելի հանդիման: Որպեսզի յուրաքանչյուր անուն արձագանք գտնի եւ մոռացության չմատնվի: Ֆրանսիան հավերժ կանգնած է հայ ժողովրդի կողքին լի հարգանքով առ ապրած ցեղասպանության հիշատակը եւ խլված բազմաթիվ կյանքերը»:

Ա. Վ.



ՎԻԶԱՆԵՐԻ ԱԶԱՏԱԿԱՆԱՅՈՒՄ

Երեւանում կայացած Հայաստան-Եվրամիություն առաջին գազաթանափողովի արդյունքներն ամփոփելով՝ Եվրոպական հանձնաժողովի նախագահ Ուրսուլա Ֆոն դեր Լայենը ներկայացրել է համագործակցության հիմնական գերակայությունները՝ առանձնահատուկ շեշտադրելով վիզաների ազատականացման գործընթացը:

Նա հայտնել է, որ ԵՄ-ն արդեն ներկայացրել է վիզաների ազատականացման գործընթացի առաջին դրական առաջընթացի զեկույցը՝ ընդգծելով, որ Հայաստանը զգալի առաջընթաց է գրանցել անցած ամիսների ընթացքում: Ֆոն դեր Լայենի խոսքով՝ կողմերը վստահ են, որ գործընթացը կշարունակվի հաջողությամբ՝ նպաստելով քաղաքացիների ազատ տեղաշարժին եւ երկկողմ կապերի խորացմանը:

ԵՄ հանձնաժողովի նախագահը նշել է, որ համագործակցությունը զարգանում է չորս հիմնական ուղղություններով՝ փոխկապակցվածություն, էներգետիկա, թվային ոլորտ եւ անվտանգություն:

Փոխկապակցվածության շրջանակում ստորագրվել է գործընկերության փաստաթուղթ, իսկ Հայաստանը դիտարկվում է որպես կարեւոր տրանսպորտային հանգույց՝ «Խաղաղության խաչմերուկ» նախաձեռնության համատեքստում: ԵՄ-ն պատրաստակամություն է հայտնել աջակցել տարածաշրջանային տրանսպորտային ցանցերին եւ սահմանային ենթակառուցվածքների զարգացմանը:

Էներգետիկ ոլորտում նախատեսվում է ներդրումներ կատարել վերականգնվող աղբյուրների եւ էներգետիկ անվտանգության ամրապնդման ուղղությամբ՝ ներառյալ շուրջ 25 միլիոն եվրո ներդրում՝ տարածաշրջանային էլեկտրահաղորդման եւ կուտակիչ համակարգերի զարգացման համար:

Թվային ոլորտում ԵՄ-ն եւ Հայաստանը նախատեսում են խորացնել համագործակցությունը արհեստական բանականության եւ տեխնոլոգիական նորարարությունների ուղղությամբ՝ խրախուսելով Եվրոպական ընկերությունների ներդրումները Հայաստանում:

Անվտանգության բաղադրիչում Ֆոն դեր Լայենը նշել է ԵՄ-ի աջակցությունը Հայաստանի զինված ուժերին եւ հիբրիդային սպառնալիքներին դիմակայելու կարողությունների ամրապնդմանը՝ ընդգծելով ժողովրդավարական լեգիտիմության կարեւորությունը:

Վիզաների ազատականացման գործընթացից բացի, կողմերը պայմանավորվել են նաեւ զարգացնել սահմանների կառավարման համագործակցությունը, այդ թվում՝ FRONTEX-ի հետ նոր աշխատանքային պայմանավորվածությունների միջոցով:

Ուղիանուր առումով, ԵՄ-ն վերահաստատել է Հայաստանի հետ տնտեսական աջակցության եւ ներդրումների խորացման հանձնառությունը՝ ներառյալ «Դիմակայունություն եւ աճ» ծրագրի շրջանակում նախատեսվող մինչեւ 2.5 մլրդ եվրոյի ներդրումային ներգրավումը:

ՆԱՆԻ ԱՂԱՍՅԱՆ

ԻՐԱՎԻՃԱԿ

ՀԱՅՏԱՐԱՐԱԳԻՐ

59 ՄԻԼԻՈՆ ԴՐԱՄ ՊԱՐՏՔ, 1556 ԴՐԱՄ ՂԱՇՎԻՆ

ԸՆԴՈՒՆԵԼ Է

ՀՀ էկոնոմիկայի նախարար Գեորգ Պապոյանը մայիսի 5-ին ընդունել է Արաբական Միացյալ Էմիրությունների առաջադեմ գիտության և տեխնոլոգիաների հարցերով արտաքին գործերի նախարարի տեղակալ Օմրան Շարաֆին և Հայաստանում ԱՄԷ արտակարգ և լիազոր դեսպան Նարինան Ալ-Մուլլային: Հանդիպմանը ներկա է եղել նաև նախարարի տեղակալ Անուշիկ Ավետյանը:

Ողջունելով հյուրերին՝ Գեորգ Պապոյանը բարձր է գնահատել վերջին տարիներին տնտեսության ոլորտում ԱՄԷ-ի հետ ձեռավորված սերտ գործակցությունը:

Նախարարն ընդգծել է, որ Հայաստանը հետաքրքրված է ԱՄԷ-ից բարձրորակ ապրանքների և առաջադեմ տեխնոլոգիաների ներկրմամբ, ինչպես նաև ներդրումային ծրագրերի իրականացմամբ՝ տնտեսության արդիականացման նպատակով: Այս համատեքստում նշվել է, որ Հայաստանը բաց է էմիրատական ներդրումների համար լոգիստիկայի, ենթակառուցվածքների, վերականգնվող էներգետիկայի, զբոսաշրջության, բարձր տեխնոլոգիաների, գյուղատնտեսության, արդյունաբերության և այլ ոլորտներում:

Անդրադարձ է կատարվել նաև ՀՀ կառավարության կողմից մշակված «Խաղաղության խաչմերուկ» ծրագրին, որն առանձին բաղադրիչներին ընդգծելով ծրագրի կարեւորությունը տարածաշրջանի խաղաղ և կայուն զարգացման համար:

ԼՈՒՄԱՆԿԱՐՆԵՐ ԱՐԱՐԱՏԻՑ

Եվրոպական խորհրդի նախագահ Անտոնիո Կոշտան, ով գտնվում է Երեւանում՝ Հայաստան-ԵՄ առաջին գազաթանաժողովին մասնակցելու նպատակով, իր սոցիալական հարթակներում հրապարակել է լուսանկարներ Երեւանի տարբեր վայրերից, այդ թվում՝ Կասկադ համալիրից, որտեղ հստակ երեւում է Արարատ լեռը:

Լուսանկարներից մեկում Կոշտան երեւում է Կասկադի տարածքում Երեւանի համայնապատկերով և Արարատ լեռան ֆոնին, որը վերջին օրերին դարձել է Եվրոպական պատվիրակությունների այցերի հիմնական խորհրդանշական կադրերից մեկը:

Կից գրառմամբ նա շնորհակալություն է հայտնել ՀՀ վարչապետ Նիկոլ Փաշինյանին՝ այցը Երեւանում հյուրընկալելու համար:

Հիշեցնենք, որ գրել էինք, որ Եվրոպական հանձնաժողովի նախագահ Ուրսուլա ֆոն դեր Լայենը նույնպես Երեւանից լուսանկար էր տարածել Արարատի ֆոնին: Նա գրել էր, որ շնորհակալ է Նիկոլ Փաշինյանին՝ Եվրոպական քաղաքական համայնքի 8-րդ գագաթնաժողովը հյուրընկալելու համար՝ ընդգծելով, որ Եվրոպան «մեկ մեծ ընտանիք է» և միասնական է ընդհանուր արժեքների ու մարտահրավերների շուրջ:

Երեւանում անցկացվող գազաթանաժողովների շրջանակում Եվրոպական առաջնորդները շարունակում են ակտիվ շփումները և քննարկումները՝ տարածաշրջանային անվտանգության, տնտեսական համագործակցության և Հայաստան-ԵՄ հարաբերությունների խորացման շուրջ:

Ա. Վ.

«ժողովուրդ» օրաթերթի ուսումնասիրած դասնական հայտարարագրերը բավական խոսուն դասկեր են բացում ՀՀ դասադասության նախարարի տեղակալ Հրաչյա Մարգարյանի ֆինանսական վիճակի մասին:

Բանկային համակարգից պետական բարձր պաշտոնների հասած Մարգարյանը վերջին տարիներին զբաղեցրել է Երեւանի քաղաքապետի, վարչապետի խորհրդականի, իսկ այժմ՝ պաշտպանության նախարարի տեղակալի պաշտոնները: Սակայն նրա պաշտոնական հայտարարագրերում առավել աչքի է ընկնում ոչ թե գույքային աճը, այլ կտրուկ ծանրացած վարկային բեռը:

2024 թվականի տվյալներով՝ Մարգարյանը հայտարարագրել է միայն 2017 թվականին ձեռք բերված՝ Երեւանի բազմաբնակարան շենքում համատեղ սեփականություն հանդիսացող բնակարան: Տրանսպորտային միջոց չի հայտարարագրվել:

Ամենաուշագրավը, սակայն, դրամական միջոցների պատկերն է. բանկային հաշիվներում տարեվերջին եղել է ընդամենը 1,556 դրամ, կանխիկ գումար չի հայտարարագրվել: Միեւնույն ժամանակ հանձնված և վերադարձված փոխառությունների ծավալը կազմել է 54,850,000 դրամ:

Նրա 2024 թվականի եկամուտները կազմել են 18,833,436 դրամ, որից 14,830,774 դրամը աշխատանքի վարձատրություն է պաշտպանության նախարարությունից, իսկ 4,002,662 դրամը՝ Եկամտային հարկի վերադարձ:

Բայց ամենածանր թիվը վարկային պարտավորություններն են. ստացված վարկերի և փոխառությունների մայր գումարի մնացորդը կազմել է շուրջ 59,172,087 դրամ:

Եթե հետ նայենք նախորդ տարիներին, պատկերը դառնում է ավելի կտրուկ:

ՕՐՎԱ ԽՃԱՆԿԱՐ

ԸՆՏՐՎԵԼ Է ԿԲ ՆԱԽԱԳԱՐ

Աժ հաշվիչ հանձնախմբի նախագահ Նարեկ Բաբայանն Ազգային ժողովի մայիսի 5-ի հերթական նիստում հայտնել է, որ ֆինանսավարկային և բյուջետային հարցերի մշտական հանձնաժողովը Կենտրոնական բանկի նախագահի պաշտոնում ընտրվելու համար խորհրդարանին էր առաջարկել «Քաղաքացիական պայմանագիր» խմբակցության կողմից առաջադրված Մարտին Գալստյանի թեկնածությունը:

Նարեկ Բաբայանի տեղեկացմամբ՝ Աժ 107 պատգամավորից գաղտնի քվեարկությանը մասնակցել է 69-ը: Քվեատուփում առկա է եղել 69 քվեաթերթիկ, անվավեր քվեաթերթիկներ չեն եղել: Մարտին Գալստյանի թեկնածությունը կողմ է քվեարկել 69 պատգամավոր:

ԿՈՉ ԵՆ ԱՆՈՒՄ ՀՐԱԺԱՐՎԵԼ

Ռուսաստանում քննարկվում է մարտական դրոնների աշխատանքի նոր մոտեցում, որը ենթադրում է հրաժարում արբանյակային նավիգացիայից: «Իզվեստիա»-ում հրապարակված հոդվածում ԿԲԱԼ-ի գլխավոր կոնստրուկտոր Դմիտրի Կուզյակինը նշում է, որ ժամանակակից անօդաչու սարքերը աստիճանաբար անց-



2023 թվականին Մարգարյանի ընդհանուր եկամուտները կազմել են 67,709,595 դրամ, սակայն բանկային հաշիվների մնացորդը եղել է ընդամենը 35,847 դրամ: Կանխիկ գումար կրկին չի հայտարարագրվել: Այդ նույն տարում վարկերի և փոխառությունների մայր գումարի մնացորդը հասել է 60,945,081 դրամի, իսկ դրանց մարմանը ուղղված վճարումները կազմել են 14,299,083 դրամ:

2022 թվականին, երբ նա Երեւանի քաղաքապետն էր, հայտարարագրել է 6,240,000 դրամ կանխիկ գումար, տարեկան եկամուտները կազմել են 16,168,520 դրամ, իսկ վարկերի մնացորդը՝ 19,606,458 դրամ:

2021 թվականին կանխիկ միջոցները կազմել են 3,600,000 դրամ և 5,500 ԱՄՆ դոլար, տարեկան եկամուտները՝ 10,777,032

դրամ, իսկ վարկային պարտավորությունները՝ 17,768,790 դրամ:

Այսպիսով, պաշտոնական փաստաթղթերը ցույց են տալիս բավական կտրուկ միտում. եթե 2021-2022 թվականներին Մարգարյանի վարկային բեռը տատանվում էր 17-19 միլիոն դրամի սահմաններում, ապա արդեն 2023 թվականին այն թռիչքաձեռն հասել է մոտ 60 միլիոն դրամի և այդ մակարդակում պահպանվել նաև 2024-ին: Այլ կերպ ասած՝ պաշտոնային պարտքերը մի քանի անգամ աճել են, մինչդեռ հաշվային միջոցները գրեթե գրոյական են մնացել: 59 միլիոն դրամ պարտք և 1,556 դրամ բանկային հաշվին՝ սա է այն ֆինանսական պատկերը, որն այսօր արտացոլված է պաշտպանության նախարարի տեղակալի պաշտոնական հայտարարագրում:

ՍՄՆԱ ԳՐԻԳՈՐՅԱՆ

նում են մեքենայական տեսողության՝ նվազեցնելով կախվածությունը Global Positioning System-ից, որի ազդանշանը կարող է կեղծվել:

Կուզյակինի խոսքով՝ այս տեխնոլոգիական շրջադարձը ոգեշնչված է Ingenuity մարային ուղղաթիռի փորձից, որը գործել է առանց GPS-ի՝ հիմնվելով տեսողական նավիգացիայի վրա: Նրա գնահատմամբ՝ եթե նախկինում GPS-ի խափանումը կարող էր լիովին շարքից հանել սարքը, ապա այսօր նման միջամտությունները դիտվում են որպես աննշան խոչընդոտ, որը համակարգիչը կարող է անտեսել:

Հիշեցնենք, որ NASA-ի տվյալներով՝ Ingenuity-ը Մարսում իրականացրել է 72 թռիչք՝ անցնելով շուրջ 17 կմ: Թեև սարքը հետագայում կորցվել է մոլորակի ռելիեֆի առանձնահատկությունների պատճառով, նրա տեխնոլոգիաները դիտարկվում են ապագա առաքելությունների համար, այդ թվում՝ Մարսից հողի առաջին վերադարձի ծրագրերում:

ԹՈՒՐԹԻԱՅԻՑ ՀՆԵՐՔԵԼ ԵՆ

Թուրքիայի արտաքին գործերի նախարարության աղբյուրները հերքել են լրատվամիջոցների հաղորդագրությունները Հայաստանի հետ սահմանի բացման ամսաթվի մասին:

Անկարայի դիվանագիտական աղբյուրները նշել են, որ Հայաստանի հետ սահ-

մանային անցակետի բացման ճշգրիտ ամսաթիվը դեռևս որոշված չէ:

«Հայաստանի հետ հարաբերությունների կարգավորման չորս տարի տեւող գործընթացի շրջանակներում մինչ օրս ձեռնարկվել են բազմաթիվ վստահության ամրապնդման միջոցառումներ, որոնք ներառում են տրանսպորտը, մշակույթը, առևտուրը և կրթությունը: Սահմանային հարցի վերաբերյալ նախապատրաստական աշխատանքներ են տարվում նաև որոշումների արագ իրականացման նպատակով, եթե դրանք կայացվեն: Ադրբեջանի և Հայաստանի միջև խաղաղության համաձայնագրի ստորագրմամբ մեր երկրի կողմից Հայաստանի հետ տարվող գործընթացը նոր թափ կստանա: Սահմանային անցակետերի բացման ժամանակացույց դեռևս չկա», - նշել են Անկարայից:

Ավելի վաղ թուրքական թերթերից մեկը պնդել էր, թե Հայաստանի հետ սահմանային անցակետի բացումը նախատեսված է հունիսի 4-ին: Հրատարակության համաձայն՝ 1993 թվականից փակված հայ-թուրքական սահմանը կարող է վերաբացվել Հայաստանում խորհրդարանական ընտրություններից երեք օր առաջ: Թերթը նշել է, որ Օսմանյան կայսրության և Հայաստանի միջև դիվանագիտական հարաբերությունները հաստատվել են 1918 թվականի հունիսի 4-ին, և անցակետի բացումը կարող է համընկնել այդ տեղարձի հետ:

ՕՊԵՐԱՏԻՎ ՏԿՅԱԼՆԵՐ

ՊՆ ԳԵՆԵՐԱԼ ԱՐՏԱԿ ԲՈՒԴԱՂՅԱՆԻ ԳՈՐԾԸ ՎԵՐԱԲԱՅՎՈՒՄ Է

Իրավապահները վերաբացում են ՊՆ գեներալ Արտակ Բուդաղյանի նկատմամբ հարուցված քրեական գործը: Մասնավորապես, մեզ հասած տեղեկությունների համաձայն՝ իրավապահները տեղեկություններ են ստացել, որ նրա դեմ ցուցմունք սկսված անձինք սուս ցուցմունք են սվել: Փաստացի՝ 11 օրի առաջվա աղմկահարույց դեպքերը նոր ընթացք են ստանում:

2013 թվականի հունիսի 1-ի երեկոյան Գորիսի Դավիթ-Բեկի փողոցի թիվ 1 հասցեում գտնվող Սուրիկ Խաչատրյանի առանձնատան դիմացի հատվածում տեղի էին ունեցել կրակոցներ, ինչի հետևանքով 1970թ. ծնված Ավետիք Բուդաղյանը (Գորիսի քաղաքապետի նախկին թեկնածու) ստացած հրազենային վնասվածքներից տեղում մահացել էր, իսկ 1971թ. ծնված Արտակ Բուդաղյանը եւ 1975թ. ծնված Նիկոլայ Աբրահամյանը հրազենային վնասվածքներով տեղափոխվել էին հիվանդանոց: Փաստի առթիվ հարուցվել է քրեական գործ՝ ՀՀ քրեական օրենսգրքի 104 հոդվածի 2-րդ մասի 6-րդ կետով եւ 235 հոդվածի 1-ին մասով:

ՀՀ կառավարության հունիսի 6-ի նիստում գործադիրը հավանության է արժանացրել Սյունիքի մարզպետ Սուրիկ Խաչատրյանի հրաժարականի դիմումը: Ավելի ուշ որոշումը վավերացրել է նախագահ Սերժ Սարգսյանը:

Սպանված Ավետիք Բուդաղյանի եղբորը՝ Ն գործադիրը հրամանատար, գնդապետ Արտակ Բուդաղյանին, մեղադրանք էր առաջադրվել ՀՀ քրեական օրենսգրքի 137-րդ հոդվածի 1-ին մասով (սպանության, առողջությանը ծանր վնաս պատճառելու կամ խոշոր չափի գույք



ոչնչացնելու սպառնալիքը, եթե այդ սպառնալիքն իրականացնելու իրական վտանգ է եղել):

2015թ. օգոստոսի 21-ին Սյունիքի մարզի ընդհանուր իրավասության դատարանը Արտակ Բուդաղյանին մեղավոր էր ճանաչել ՀՀ քրեական օրենսգրքի 137-րդ հոդվածի 1-ին մասով (սպանության, առողջությանը ծանր վնաս պատճառելու կամ գույք ոչնչացնելու սպառնալիքի համար): Նրա նկատմամբ որպես պատիժ նշանակվել էր 120,000 դրամի չափով տուգանք:

Ավանդատ էր, որ Արտակ Բուդաղյանի դեմ հարուցված քրեական գործը կապված էր 2013 թվականին Սյունիքի նախկին մարզպետ Սուրիկ Խաչատրյանի տան մոտ տեղի ունեցած հայտնի միջադեպի հետ, ինչի հետևանքով սպանվել էր Արտակ Բուդաղյանի եղբայրը: Եւ ահա 11 տարի անց օպերատիվ հետախուզական միջոցառումների արդյունքում փաստական տվյալներ են ստացվել, որ վկաները սուտ ցուցմունք են տվել:

ՔՆԱՐ ՄԱՆՈՒԿՅԱՆ

ԲԱՅԱՐԱՅՏՈՒՄ

ԵՐԻՏԱՍԱՐԳՆԵՐԸ ՓՐԿՎԵԼ ԵՆ

Անվտանգություն ապահովելու եւ քաղաքացիներին օգտակար լինելու հանձնառությամբ փրկարարներն ու ոստիկաններն ամեն օր պատասխանատու ծառայություն են իրականացնում օպերատիվորեն արձագանքելով յուրաքանչյուր իրավիճակի: Խոստում օրինակը ապրիլի 30-ին Հրազդանի կիրճում տեղի ունեցած դեպքն էր, երբ ոստիկանության գվարդիայի եւ փրկարարների արագ ու համակարգված գործողությունները վճռորոշ էին: Գվարդիայի ծառայողի խոսքով՝ Հրազդանի կիրճում ծառայություն իրականացնելիս քաղաքացիների օգնության կանչեր են լսել եւ անմիջապես տեղեկատվությունը փոխանցել փրկարարներին: Իրավիճակը ճիշտ գնահատելու արդյունքում ոստիկաններին ու փրկարարներին հաջողվել է փրկել քաղաքացիներին:

Երեւանի փրկարարական վարչության թիվ 1 ՀՓՁ խմբի պետ Վահան Թունյանը նշում է, որ օպերատիվ արձագանքելով ահազանգին՝ փրկարարները ժամանել են դեպքի վայր, որտեղ պարզվել է, որ գետի մակարդակի բարձրացման հետևանքով 17-19 տարեկան չորս աղջիկներ արգելափակվել են կղզակում եւ չեն կարողանում դուրս գալ:

Վտանգի գնահատումից հետո իրականացվել են անհետաձգելի փրկարարական աշխատանքներ. հրշեջ-փրկարարները, կիրառելով հատուկ նշանակության պարաներ եւ ամրակապման միջոցներ, մոտեցել են քաղաքացիներին, ցուցաբերել հոգեբանական աջակցություն եւ կազմակերպել նրանց անվտանգ տեղափոխումը գետի մյուս ափ: Գործողություններին ներգրավվել է նաեւ հատուկ նշանակության ջոկատը: Փրկարարական աշխատանքների արդյունքում բոլոր քաղաքացիները տեղափոխվել են անվտանգ տարածք:

ԳՈՂՈՒԹՅԱՆ ԳԵՊԸ

Անձնական ունեցվածքի գողության վերաբերյալ հարդրումը Համայնքային ոստիկանության Շենգավիթի բաժին ստացվել էր ապրիլի 30-ին: Ոստիկանություն դիմած քաղաքացին հայտնել էր, որ ապրիլի 28-ի ժամը 21-ից ապրիլի 29-ի ժամը 7-ն ընկած ժամանակահատվածում Ներքին Չարբախի 1-ին փողոցի հարակից դաշտից գողացել են իր 224 ոչխարը՝ պատճառելով մոտ 15 միլիոն դրամի վնաս:

Շենգավիթի բաժնի համայնքային ոստիկանների ձեռնարկած օպերատիվ-հետախուզական միջոցառումների արդյունքում պարզվել է, որ նշված արարքը կատարել են 30 եւ 27 տարեկան երեք երիտասարդ: Հետագա միջոցառումների արդյունքում 30-ամյա երիտասարդը Նորագավիթի 6-րդ փողոցում հայտնաբերվել, ձերբակալվել եւ իր կողմից շահագործվող «Հյուսիսի Սոնատա» մակնիշի մեքենայով հանդերձ տեղափոխվել է բաժին:

Գողոնը հայտնաբերվել է: Ձեռնարկվում են միջոցառումներ՝ գողության մյուս մասնակիցներին հայտնաբերելու ուղղությամբ:

30-ամյա երիտասարդը կազմված փաստաթղթերի հետ ներկայացվել է նախաքննական մարմին:

ԼՈՒՐԵՐ

Ո՞Վ ԱԶԱՏՎԵՑ ՊԱՏԺԻՑ

2024 թվականին հայտնել էինք, որ ՀՀ քննչական կոմիտեն Կարինե Գեորգի Հովհաննիսյանին մեղադրանք էր առաջադրվել այն բանի համար, որ նա, հանդիսանալով Երեւան քաղաքի Ավան Իսահակյան թաղամասի 10-րդ հասցեում գործող «Ալլադին Քիզա Քլաք» մանկապարտեզի մաքրուհի, 2023 թվականի օգոստոսի 2-ից մինչեւ սեպտեմբերի 14-ը ներառյալ, նույն մանկապարտեզի տնօրեն Աննա Ռոմիկի Հարությունյանի հետ խմբի կազմում, գիտակցելով եւ փոխըմբռնելով միմյանց գործողությունները, մանկապարտեզի հաճախող անչափահաս սաներին պատճառել է ֆիզիկական ուժեղ ցավ եւ հոգեկան ուժեղ տառապանք:

Նշենք, որ դեպքը եղել էր 2023 թվականի օգոստոսի 16-ին: Համացանցում տարածվել էր տեսանյութ, որտեղ երեւում է, թե ինչպես են մանկապարտեզի տնօրենը եւ աշխատակիցները ծեծի ենթարկում երեխաներին: Ըստ շրջանառվող տեղեկությունների՝ տեսանյութը նկարահանվել է «Ալլադին» մասնավոր մանկապարտեզում, որտեղ, ի դեպ, ամսական վարձավճարը կազմում է 90 հազար դրամ:

Եւ ահա դատարանի առաջ են կանգնել մանկապարտեզի տնօրենը եւ

մաքրուհին: Արդյունքում դատարանը մանկապարտեզի մաքրուհի Կարինե Գեորգի Հովհաննիսյանին մեղավոր է ճանաչել ՀՀ քրեական օրենսգրքի 195-րդ հոդվածի 2-րդ մասի 3-րդ կետով նախատեսված արարքում եւ պատիժ նշանակել ազատության սահմանափակում՝ 1 /մեկ/ տարի ժամկետով՝ 2 /երկու տարի ժամկետով գրկելով նախադպրոցական ուսումնական հաստատությունում աշխատելու իրավունքից: ՀՀ քրեական օրենսգրքի 79-րդ հոդվածի կիրառմամբ Կարինե Գեորգի Հովհաննիսյանի նկատմամբ նշանակված 1 տարի ժամկետով ազատության սահմանափակմանը հաջվակցել վերջինիս փաստացի անազատության մեջ գտնվելու 3 օր ժամանակահատվածը եւ վերջնական պատիժ թողնել կրելու ազատության սահմանափակում՝ 11 ամիս 27 օր ժամկետով: Իսկ մանկապարտեզի տնօրեն Աննա Ռոմիկի Հարությունյանը անմեղ է ճանաչվել ՀՀ քրեական օրենսգրքի 196-րդ հոդվածի 2-րդ մասի 3-րդ եւ 5-րդ կետերով ներկայացված մեղադրանքում արարքն ապացուցված չլինելու հիմքով եւ դատարանի որոշմամբ Հարությունյանի նկատմամբ ընտրված խափանման միջոց բացակայելու արգելքը եւ դրանցով պայմանավորված սահմանափակումները վերացնել:

Ք. ՄԱՆՈՒԿՅԱՆ

ԿՐԱԿՈՑՆԵՐ ԵՐԵՎԱՆՈՒՄ

Երեկ Երեւանում Բագրատունյաց 13 հասցեում, կրակոցներ են հնչել: ArmLur.am-ը դեպքի վայրից հայտնում է, որ մեկ անձ սպանվել է:

Ինչպես հայտնում է shamshyan.com-ը, նշված վայրից հրազենային վնասվածքով հիվանդանոց է տեղափոխվել մի քաղաքացի, որտեղից կարճ ժամանակ անց ահազանգ է ստացվել ոստիկանության Շենգավիթի բաժին, որ վիրավորը, գիտակցության չգալով, մահացել է:

Դեպքի փաստով Շենգավիթի քննչական բաժնում «սպանություն» հատկանիշներով նախաձեռնվել է քրեական վարույթ, որտեղ էլ պարզում են դեպքի հանգամանքները, մահացածի եւ կրակոցներ արձակողի ինքնությունը, եւ ձեռնարկվում են անհրաժեշտ միջոցառումներ՝ հանցագործություն կատարած անձին եւ հանցագործության գործիքը հայտնաբերելու ուղղությամբ:

Ֆոտոլրագրողը հայտնում է, որ դեպքի վայրում հայտնաբերվել են արնաման հետքեր, ծխախոտ եւ այլ կասկածելի իրեր: Դեպքի վայրում հավաքված մի քանի քաղաքացիներ, որոնք հրաժարվեցին տեսախցիկի առաջ խոսել, ասում էին, որ մահացածը մոտ 40 տարեկան է, ում անունը Արտյոմ է:

● Ըստ վիճակագրական տվյալների՝ ապրիլի 29-ից 30-ը ՀՀ-ում բացահայտվել է 147 հանցագործություն:



ՍՈՑԻԱԼԱԿԱՆ

ԼՈՒՐԵՐ

10% CASHBACK



Արդշինքանկը մեկնարկել է նոր շահավետ պայմաններով արձավ իր Mastercard քարտայաների համար՝ ընդլայնելով անկանխիկ վճարումների հնարավորությունները:

2026 թվականի ապրիլի 27-ից մինչև մայիսի 27-ը ներառյալ Արդշինքանկի Mastercard քարտայաները կարող են օգտվել հատուկ առաջարկից՝ ստանալով 10% cashback գործընկեր ռեստորաններում իրականացված անկանխիկ վճարումների դիմաց:

Նախաձեռնությունը գործում է Երեւանում և գերաշրջային այլ ուղղություններում տեղակայված հետեյալ ռեստորաններում՝ «Գինետուն» ռեստորան, «Յասաման» և «Սիռովարկայ» ռեստորանների ցանց: Cashback-ը տրամադրվում է նշված ռեստորաններում Արդշինքանկի Mastercard քարտերով բանկի POS տերմինալներով կատարված վճարումների համար: Վերադարձվող գումարը կազմում է գործարքի 10%-ը (ներառյալ հարկերը) և փոխանցվում է հաճախորդներին առաջարկի ժամկետի ավարտից հետո՝ մեկամսյա ժամկետով: Յուրաքանչյուր քարտի համար տրամադրվող cashback-ի հանրագումարային առավելագույն սահմանափակը կազմում է 20,000 ՀՀ դրամ (ներառյալ հարկերը):

Առաջարկը հասանելի է Արդշինքանկի բոլոր Mastercard քարտերի համար՝ բացառությամբ Mastercard Pension կենսաթոշակային քարտերի: Արդշինքանկի Mastercard քարտերը կարող են պատվիրել՝ այցելելով Բանկի ցանկացած մասնաճյուղ:

Արդշինքանկը շարունակում է ամրապնդել իր դիրքը որպես առաջատար ֆինանսական հաստատություն՝ համադրելով նորարարական լուծումները, հաճախորդակենտրոնությունը և շուկայի զարգացման ուղղված ռազմավարական նախաձեռնությունները:

Բանկը վերահսկվում է ՀՀ Կենտրոնական բանկի կողմից: (9)

ԿԱՐՄԻՐԳԻՔՅԱՆ ԶՈԹՈԹՆԵՐ

2026թ. մայիսի 4-ին Բնապահպանության և ընդերքի տեսչական մարմին ՀՀ ՆԳՆ համայնքային ոստիկանության գլխավոր վարչության Ջերմուկի բաժնից ստացվել է ահազանգ Վայոց ձորի մարզի Ջերմուկ քաղաքում հայտնաբերված արջի 2 քոթոթի վերաբերյալ: Դեպքի վայրում պարզվել է, որ անօգնական վայրի կենդանիները ՀՀ Կարմիր գրքում գրանցված գորշ արջի մոտ մեկ ամսական քոթոթներ են: Արտաքին գննությամբ վայրի կենդանիների մոտ վնասվածքներ չեն հայտնաբերվել: Քոթոթների պատշաճ խնամքն ապահովելու և հետագայում նրանց վայրի բնության վերադարձնելու նպատակով կենդանիները տեղափոխվել են Վայրի բնության և մշակութային արժեքների պահպանման հիմնադրամի (FPWC) Ուրցաձորի կովկասյան կենսաբազմազանության ապաստարան:

ՀԵՂՈՒԿ ԳԱԶՆ՝ 280 ԴՐԱՄ

ԷԿՈՆՈՄԻԿԱՅԻ ՆԱԽԱՐԱՐԸ ՄՏՈՒՄ ԷՐ

Մայիսի 1-ին ՀՀ Էկոնոմիկայի նախարար Պետրոս Գալստյանը վստահեցնում էր՝ մի քանի օրից հեղուկ գազի շուկայում իրավիճակը կկայունանա, մասնավորապես կվերականգնվեն, և գները կնվազեն: Մակայն մայիսի 5-ի դրությամբ իրականությունը բոլորովին այլ դասեր է ցույց տալիս:



ArmLur.am-ը տեղեկացավ, որ Հայաստանում հեղուկ գազի մեկ լիտրի գինը շարունակում է պահպանվել շուրջ 280 դրամի սահմանում, մինչդեռ խոստացված «էական նվազումը» այդպես էլ տեսանելի չէ: Շուկան շարունակում է ապրել նույն լարվածությամբ, իսկ սպառողը՝ նույն բարձր գնով:

Նախարարի պարզաբանմամբ՝ խնդիրը կապված էր Վերին Լարսի անցակետում առաջացած խոչընդոտների հետ: Ըստ նրա՝ ռուսական կողմում կուտակված գազատար մեքենաները վատ եղանակի պատճառով չէին կարողանում անցնել, սակայն ճանապարհի բացումից հետո բեռնատարները սկսել էին շարժվել դեպի Հայաստան: Այդ ֆոնին հնչեցրել էր հստակ կանխատեսում՝ ուրբաթ կամ շաբաթ գազի քանակը բավարար կլինի, և գները կիջնեն: Բայց անցել են օրեր, իսկ շուկայում ոչինչ չի փոխվել:

ArmLur.am-ի հետ գրույցում ՀՀ էկոնոմիկայի նախարարի խոսնակ Լիլիթ Շաբոյանը փաստացի արձանագրել է այն, ինչ սպառողներն արդեն զգում են իրենց

գրպանի վրա՝ պետությունը գնի ձեւավորման վրա ազդեցություն չունի:

«Մենք որեւէ միջամտելու իրավասություն չունենք, քանի որ շուկայական հարաբերություններն են ձեւավորում գինը», - նշել է նա:

Այս հայտարարությունը, սակայն, նոր հարցեր է առաջ բերում: Եթե պետությունը նախապես հայտարարում է գների նվազման մասին, ապա ինչի՞ վրա էր հիմնված այդ վստահությունը: Եթե շուկան ինքնուրույն է կարգավորում գինը, ապա ինչո՞ւ էր հանրությանը փոխանցվում շուտափույթ էժանացման ակնկալիք:

Պաշտոնական պարզաբանմամբ՝ հեղուկ գազի դեֆիցիտի պատճառով երկու ուղղությամբ է՝ Իրանից ներմուծման դադարեցում՝ Մերձավոր Արեւելքում ստեղծ-

ված իրավիճակի հետեւանքով, և Վերին Լարսի անցակետի ժամանակավոր փակումը: Սակայն հիմա, երբ Լարսը բաց է, բեռնատարների շարժը վերականգնված է, իսկ ռուսական կողմից հետ, նախարարության հավաստմամբ, աշխատանքային հարաբերությունները կայուն են, շուկայում սպասված թեթեւացումը դեռ չկա:

Փաստը մնում է փաստ՝ իշխանությունը խոսեց գների անկման մասին, բայց սպառողը շարունակում է վճարել նույն 280 դրամը:

Այս պատմության մեջ ամենատարբարը մնում է անսպասուսխան՝ եթե խնդիրը լուծված է, ապա ինչո՞ւ հեղուկ գազը Հայաստանում դեռ շարունակում է մնալ թանկ:

ՍՈՍԱ ԳՐԻԳՈՐՅԱՆ

ԱՄԵՐԻԿԱՆԿԻ ՆԵՐՎՈՒՄԸ FTSE 100-ՈՒՄ

Lion Finance Group-ը (LFG) ազդարարեց իր ընդգրկումը FTSE 100 ինդեքսում՝ շուկայի փակումից հետո հնչեցնելով Լոնդոնի ֆոնդային բորսայի զանգը:

Ամերիկայից՝ որպես LFG խմբի մաս, 2026թ. մարտին ներառվել է աշխարհի առաջատար բորսաներից մեկի FTSE 100 ինդեքսում՝ դառնալով առաջին հայկական ընկերությունը, որն ընդգրկվում է Լոնդոնի ֆոնդային բորսայում ցուցակված 100 խոշորագույն ընկերությունների շարքում:

Լոնդոնի ֆոնդային բորսայի զանգի հնչեցման արարողությունը խորհրդանշական ավանդույթ է, որին մասնակցում են ֆինանսական հաստատությունների ներկայացուցիչները, ներդրողները և հիմնական շահառուները:

Այս արարողությանը մասնակցեցին Lion Finance Group-ի, Ամերիկայից, Bank of Georgia-ի ղեկավար կազմը, ինչպես նաև Վրաստանի և Հայաստանի կառավարությունների անդամներ, այդ թվում՝ ՀՀ ֆինանսների նախարար Վահե Զովհաննիսյանը, ՀՀ կենտրոնական բանկի նախագահ Մարտին Գալստյանը և այլ հյուրեր:

LFG-ի ընդգրկումը FTSE 100 ինդեքսում վկայում է խմբի երկարաժամկետ ռազմավարության և կայուն աճի նկատմամբ միջազգային ներդրողների մեծ վստահության մասին:

Այս կարեւոր իրադարձությունը խմբի և դրա անդամների համար նշանակալից է զարգացման նոր փուլ, որի հիմքում երկարաժամկետ ռազմավարական տեսլականն է և հաճախորդների համար արժեք ստեղծելու հանձնառությունը:

2006 թվականից Լոնդոնի ֆոնդային բորսայում ցուցակված լինելով՝ LFG ֆի-



նանսական խումբն ընդգրկվում է FTSE 100 ինդեքսում Ամերիկայից խմբի միանալուց երկու տարի անց: Սա վկայում է Ամերիկայից խմբում ընդգրկվելու ռազմավարական կարեւորության և խմբի ընդհանուր զարգացման համար բանկի նշանակալի դերի մասին:

Նշենք, որ այդ ընթացքում Ամերիկայից խմբի Bank of Georgia-ի ներկայացուցիչները հյուրընկալվել են նաև Միացյալ Թագավորությունում Հայաստանի Հանրապետության դեսպանատանը, հանդիպել են արտակարգ և լիազոր դեսպան Ն.Գ Վարուժան Ներսեսյանի հետ:

Lion Finance Group-ի մասին

Lion Finance Group-ը Լոնդոնի ֆոնդային բորսայում ցուցակված բանկային խումբ է, որը միավորում է տարածաշրջանի առաջատար, հաճախորդակենտրոն, թվային հնարավորություններով հագեցած ունիվերսալ բանկերը և իր

հիմնական անդամների՝ Վրաստանում Bank of Georgia-ի և Հայաստանում Ամերիկայիցի միջոցով:

Ամերիկայիցի մասին

Ամերիկայիցի ֆինանսական և տեխնոլոգիական առաջատար հաստատություն է, ՀՀ տնտեսական ոլորտի նշանակալի դերակատարներից մեկը: Թվային փոխակերպման ռազմավարության ներքո Բանկը ներդրում է շարունակաբար կատարելագործում է շուկայում եզակի պրոդուկտներ, ծառայություններ և նորարարական հարթակներ, որոնք միտված են բավարարելու մարդկանց ֆինանսական և ոչ ֆինանսական կարիքները:

Ամերիկայիցը՝ որպես դինամիկ զարգացող ֆինթեք միջավայր, առաջարկում է կյանքի որակը բարելավող ամբողջական լուծումներ:

Բանկը վերահսկվում է ՀՀ Կենտրոնական բանկի կողմից

«ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

2 ՄԻԼԻՈՆ ՄԱՐԴ

ՇԱԿԻՐԱՆ ԲԵՄԱԳԻԵԼ Է ԳԱՐԻ ԱՆՎՃԱՐ ՇՈՌԻՆ

Շակիրան բեմադրել է հիանալի անվճար համերգ Ռիո դե Ժանեյրոյի լեգենդար Կոռակաբանա լողափում: Քաղաքային կառավարության սվյալներով մոտ 2 միլիոն մարդ է մասնակցել լողափը վերածելով վերջին արիների ամենամեծ երաժշտական միջոցառումներից մեկի:



Էին զբաղեցնել իրենց տեղերը, իսկ երեկոյան ասիլը վերածվել էր միլիոնավոր երկրպագուների կենդանի ծովի: Քաղաքում տիրում էր կառնավալային մթնոլորտ. փողոցային վաճառողները վաճառում էին խմիչքներ, ուտելիք և նույնիսկ անհրաժեշտ իրեր՝ հանդիսատեսին օգնելու դիմանալ երկար սպասման օրվան: Ռիոյի քաղաքապետ Էդուարդո Կավալեյրոն սոցիալական ցանցերում հայտարարել է, որ համերգը պատմական է. «Շակիրան պատմություն է կերտել Ռիոյում»:

Մասնագետները կշռում են, որ նման համերգներն արդեն դարձել են Ռիո դե Ժանեյրոյի մշակութային ռազմավարության մի մասը, որը նպատակ ունի գրավել զբոսաշրջիկներին և խթանել տնտեսությունը խոշոր սեգմենտային տոների միջև: Աշխարհի տարբեր ծայրերից երկրպագուներ ժամանեցին հատուկ շոուի համար, և ոմանք խոստովանեցին, որ միջոցառումը վաղեմի երազանքի իրականացում էր՝ տեսնել Շակիրային աշխարհի ամենահայտնի բացօթյա բեմերից մեկում:

Շոուն նրա «Las Mujeres Ya No Lloran» (Կանայք այլևս լաց չեն լինում) համաշխարհային շրջագայության մի մասն էր, որը կոչվել է նրա 2024 թվականի ալբոմի անունով:

Համերգը մեկ ժամից ավելի ուշացել է, բայց դա միայն ավելացրել է սպասումը: Երբ Շակիրան բեմ է բարձրացել ժամը 23:00-ի սահմաններում, հազարավոր մարդիկ նրան դիմավորել են խլացնող ծափահարություններով: Անօդաչու թռչող սարքերը թռչում էին լողափի վրայով՝ պորտուգալերեն գրելով «Ես սիրում եմ քեզ, Բրազիլիա» բառերը: Երգչուհին հուզիչ կերպով հիշել է իր առաջին ուղեորությունը Բրազիլիա գրեթե 30 տարի առաջ, երբ նա ընդամենը 18 տարեկան էր: «Ես այստեղ եկա՝ երազելով քեզ համար երգելու մասին: Ես հիմա նայեք դրան՝ կյանքը գեղեցիկ է և զարմանալի», - բեմից ասել է Շակիրան: Երեկոյի ընթացքում նա կատարել է իր ամենահայտնի հիթերը, այդ թվում՝ «Hips Don't Lie», «La Tortura» և «La Bicicleta», և ավարտել հզոր երգով, որը կապված էր Ժերար Պիկեի հետ բաժանուկից հետո նրա անձնական պատմության հետ:

Կուպակաբանա լողափը լեփ-լեցուն էր. մարդիկ այդ առավոտյան արդեն սկսել

ՄԱՐԶԱԿԱՆ

ԲՈՒՈՐԻ ԷԼ ՀԱՄԿԱՆՈՒՄ ԵՆ



Հայաստանի հավաքականի եւ Ռուսաստանի չեմպիոն «Կրասնոդարի» ավագ, կիսապաշտպան Էդուարդ Սպերդյանը մեկնաբանել է չեմպիոնական պայքարը Ռուսաստանի Պրեմիեր լիգայում:

«Մենք հիմա առաջատարն ենք առաջնությունում և արդեն հասել ենք գավաթի նախավերջին փուլին: Հույս ունեմ կկարողանանք դուրս գալ սուպերգրաֆալիչ և հաղթել, ինչպես նաև հաղթել առաջնության մնացած երկու հանդիպումներում:

«Կրասնոդարը» համախմբված թիմ է, որը մշտապես ցանկանում է հաղթել: Բոլոր տղաները համեստ են. մենք պարզապես անում ենք մեր գործը: Աշխատում ենք, մինչև վերջ պայքարում ենք յուրաքանչյուր խաղում: Անընդհատ աջակցում ենք միմյանց խաղադաշտում և հանդերձարանում: Թիմի բնավորությունը, կարգապահությունը օգնում են մեզ: Բոլորն էլ հասկանում են, թե ինչ հնարավորություն ունի թիմը տիտղոսների համար: Փորձում ենք, նույնիսկ, մանրուքներում ավելի լավ լինել, և դա օգնում է»,- Սպերդյանի խոսքը փոխանցում է Известия-ն:

Ութսուցիկ մրցաշրջանում Սպերդյանը մասնակցել է 38 հանդիպման, դարձել 13 գոլի և 17 գոլային փոխանցման հեղինակ: «Կրասնոդարը» 63 միավորով գլխավորում է Ռուսաստանի առաջնության մրցաշարային աղյուսակը:

ՑԱՆԿԱՆՈՒՄ Է ՉԵՌՔ ԲԵՐԵԼ

Գերմանիայի նորընծա չեմպիոն Մյունխենի «Բավարիան» հետաքրքրված է ՊՍԺ-ի վրացի եզրային հարձակվող Խվիչա Կվարացխելիայի կրտսեր եղբոր ծառայություններով, հաղորդում է Goal.com-ը:


16-ամյա եզրային հարձակվող Թոմիկե Կվարացխելիան հանդես է գալիս Թբիլիսիի «Ռինամոյի» երկրորդ թիմում: Մայիսի 2-ին նա առաջին անգամ հիմնական կազմում մասնակցել է Կրասնոդարի առաջնության հանդիպման: Թոմիկե Կվարացխելիան Կրասնոդարի մինչև 17 տարեկանների հավաքականի խաղացող է:

2018-ին «Բավարիան» ցանկացել էր ձեռք բերել նաև Խվիչա Կվարացխելիային, սակայն տրանսֆերը չէր կայացել:

Մայիսի 6-ին Խվիչա Կվարացխելիան ՊՍԺ-ի կազմում Մյունխենում կմասնակցի «Բավարիայի» դեմ Չեմպիոնների լիգայի կիսաեզրափակիչի պատասխան հանդիպմանը: Առաջին խաղում ՊՍԺ-ն հաղթել էր 5:4 հաշվով:

ՊԱՐՏԱՎՈՐ ԵՆՔ ՄԻ ՔԱՆԻ ԱՆՉԱՄ ՈՒԺԵՂ ԼԻՆԵԼ

Տիրանայում կայացած ազատ ուժի ըմբռանալի եվրոպայի առաջնությունում Հայաստանի հավաքականը թիմային դայֆարում 3-րդ տեղն է գրավել: Մրցաշարում բրնձե մեդալակիրներ են դարձել Վազգեն Թեանյանը, Արսեն Հարությունյանն ու Մանվել Խնձրյանը: Թեանյանը ըմբռնողներ ձեռնոնայն չեն վերադարձել ԵԱ-ից, սակայն իրենց նվաճած մեդալներից այդքան էլ գոհ չեն:



Արսեն Հարությունյան

«Իմ նվաճած բրնձե մեդալից ու ելույթից գոհ չեմ, շատ սխալներ թույլ տվեցի: Ամիսներ շարունակ մարզվել եմ մեկ նպատակով՝ որպեսզի հաղթեմ ռուս Զաուր Ուզունին: Հենց դա էլ իմ ամենամեծ սխալն էր, որ տրամադրվել էի ոչ թե չեմպիոն դառնալու, այլ նրան հաղթելու վրա:

Ելույթներիս ժամանակ չէի կարողանում կենտրոնանալ, մտքով կիսաեզրափակում էի: Հետ եմ նայում ու ափսոսում, որ այդքան կատարածս աշխատանքս իզուր էր: Իմ սխալի պատճառով զրկվեցի ոսկուց: Բայց ամեն մրցաշար նոր բան է սովորեցնում, այս մեկի ժամանակ էլ շատ դասեր քաղեցի:

Ուզունիի հետ գոտեմարտի առաջին 3 րոպեի շատ ազատ էի, գորգ մտնելիս լարվածությունը թուլացել էր ու կարողացա ինձ դրսևորել: Հետո սկսեցի մտածել ինչպես հաղթել նրան, ինչից էլ օգտվեց, ու ես հնարքի տակից դուրս գալ չկարողացա:

Ես միշտ էլ ակտիվ կյանքով եմ ապրել: Սոցկայքերում ակտիվությունս պայմանավորված է ժամանակի թելադրանքով, եթե ցանկանում ես համաշխարհային լիգաներում հանդես գալ, պետք է այդ տիրույթում լինես: Բայց այդ ամենով զբաղվող թիմ ունեմ, և ինքս սոցկայքերում ամսական 3 ժամ էլ չեմ անցկացնում»:

● Ա.Սպերդյանի անվան օպերայի եւ բալետի ազգային ակադեմիական թատրոնում մայիսի 9-ին՝ ժամը 18:00-ին, կկայանա «Գայանե» բալետը:



ԿԱՐԳ

ՀԱՐՑ. Խնդրում եմ ասել՝ ինչպե՞ս եմ ձեռք բերելու բժշկի՝ էլեկտրոնային դեղատոմսով նշանակած դեղը:

Ռուզաննա Վարդանյան, 45 տարեկան



ՊԱՏԱՍԽԱՆ.

Ցանկացած դեղատոմս պետք է միացված լինի «Արմեդ» համակարգում եւ ունենա հնարավորություն վաճառելու բոլոր տեսակի դեղատոմսերով դուրս գրվող դեղերը:

Քաղաքացիները կարող են մոտենալ ցանկացած դեղատոմս, ներկայացնել անձը հաստատող որեւէ փաստաթուղթ՝

- անձնագիր, նույնականացման քարտ
- կամ հանրային ծառայության համարակիշ (սոցքարտ):

Դեղատան աշխատակիցը, մուտք գործելով համակարգ, տեսնում է բժշկի կողմից դուրս գրված էլեկտրոնային դեղատոմսը, դեղի անվանումը, քանակը, եւ բաց է թողնում համակարգից:

ՀՀ առողջապահության նախարարություն

«ԺՈՂՈՎՈՒՐԳ».

Քաղաքացին, ելնելով իր ֆինանսական միջոցներից, կարող է նաեւ բուժման ամբողջ կուրսի համար անհրաժեշտ քանակը ձեռք բերել մասնակի:

Էջը՝ ՄԱՐԻԱՆԱ ՀՈՎՅԱՆՆԻՍՅԱՆԻ

ՀԱՍԱՐԱԿՈՒԹՅՈՒՆ

ՀԱՐՑ. Ինչպե՞ս եւ ի՞նչ խմբերի եմ դասակարգվում քաղաքացիական ծառայության դաստնները:

Հասմիկ Հովհաննիսյան, 32 տարեկան



ՊԱՏԱՍԽԱՆ.

Քաղաքացիական ծառայության պաշտոնները, ելնելով այդ պաշտոնները զբաղեցնող անձանց աշխատանքի կազմակերպման եւ ղեկավարման պատասխանատվության, որոշումներ կայացնելու լիազորությունների, գործունեության ազդեցության, շփումների եւ ներկայացուցչության, խնդիրների բարդության եւ դրանց լուծման, ինչպես նաեւ մասնագիտական գիտելիքների եւ կոմպետենցիաների տիրապետման տեսանկյունից ներկայացվող պահանջներից, դասակարգվում են հետեւյալ խմբերի՝ քաղաքացիական ծառայության ղեկավար պաշտոններ եւ քաղաքացիական ծառայության մասնագիտական պաշտոններ: Քաղաքացիական ծառայության ղեկավար պաշտոնների խումբը դասակարգվում է 1-ին, 2-րդ, 3-րդ, 4-րդ եւ 5-րդ ենթախմբերի:

Քաղաքացիական ծառայության մասնագիտական պաշտոնների խումբը դասակարգվում է 1-ին, 2-րդ, 3-րդ, 4-րդ, 5-րդ, 6-րդ, 7-րդ եւ 8-րդ ենթախմբերի:

Քաղաքացիական ծառայության գրասենյակ

ԼՈՒՐ ԿԱԴՐ

Լուսանկարը՝ shamshyan.com-ի



Ավտոմեքենա վարելու իրավունքը կասեցված 19-ամյա երիտասարդը «Mercedes CLS»-ով Երեւանում խոշոր ավտովթարի հեղինակ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել՝



«Հայկոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:  
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	0 + 5 + 9 + 14
☀	Կոտայքի լեռներ	0 + 4 + 10 + 14
☀	Կոտայքի նախալեռներ	+ 5 + 8 + 16 + 19
☀	Գեղարքունիք	0 + 5 + 9 + 14
☀	Լոռի	+ 4 + 8 + 11 + 15
☀	Տավուշ	+ 5 + 8 + 11 + 15
☀	Արագածոտնի լեռներ	0 + 4 + 10 + 13
☀	Արագածոտնի նախալեռներ	+ 5 + 9 + 15 + 20

☀	Արարատ	+ 7 + 10 + 18 + 21
☀	Արմավիր	+ 7 + 10 + 19 + 22
☀	Վայոց ձորի լեռներ	0 + 3 + 9 + 13
☀	Վայոց ձորի նախալեռներ	+ 7 + 10 + 18 + 22
☀	Սյունիքի լեռներ	0 + 3 + 9 + 12
☀	Սյունիքի նախալեռներ	+ 4 + 7 + 14 + 18
☀	Սյունիքի հովիտներ	+ 7 + 11 + 20 + 24
☀	Երեւան	+ 8 + 10 + 19 + 21

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Արշակունյաց 22<sup>ա</sup>/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 05.05.2026  
Տպաքանակ՝ 3968

Գլխավոր խմբագիր՝  
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: